



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola LII. Alexandri Papae III. Ad Philippvm Coloniensem
Archiepiscopvm. Coloniensis ecclesiae iura ac priuilegia confirmantur.

urn:nbn:de:hbz:466:1-15588

EPISTOLA LII.

ALEXANDRI PAPÆ III.

AD PHILIPPVM COLONIENSEM
ARCHIEPISOPVM.

Coloniensis ecclesiæ iura ac priuilegia confirmantur.

Alexander episcopus seruus seruorum Dei venerabili fratri Philippo, Coloniensi archiepiscopo, eiusque successoribus canonice substituendis, in perpetuam memoriam.

ET SI teneamur omnibus & fratribus coepiscopis nostris ex administratione suscepiti regiminis apostolicum patrocinium exhibere ; his tamen specialiter adesse compellimur, qui sicut dignitate , ita præminent & virtute : cum nostræ solitudinis debeat & circumspetionis existere , vt vniuersos iuxta qualitates personarum & merita respicere videamus . Eapropter , venerabilis in Christo frater archiepiscope , prudentiam & deuotionem tuam diligentius attendentes , & tuis petitionibus nostrum facile præbentes assensum , Coloniensem ecclesiam , cui Deo auctore præesse dignosceris , sub beati Petri & nostra protectione suscipimus , & præsentis scripti priuilegio communimus : statuentes , vt quacumque possessiones , quæcumque bona , eadem ecclesia impræsentiarum iuste & canonice possidet , aut in futurum concessione pontificum , largitione regum vel principum , oblatione fidelium , seu aliis iustis modis , præstante Domino poterit adipisci , firma tibi tuisque successoribus & ilibata permaneant . Præterea tua , frater archiepiscope , prudentia & deuotione pensata , confirmamus tibi ea , quæ in priuilegiis patrum & prædecessorum nostrorum habentur ; videlicet crucem & pallium , suo tempore suique loco ferendum . Insigne quoque festiui equi , quod a quibusdam vulgo naccum vocatur . Concedimus etiam , & apostolica auctoritate statuimus , vt maius altare ecclesiæ tuæ vni & vero Deo , in memoriam beatæ Mariæ virginis , & alterum in memoriam beati Petri apostolorum principis dedicatum , reuerenter ministrando procurent septem canonici cardinales presbyteri , induiti dal-

maticis & mitris ornati : quibus etiam , cum totidem diaconibus & subdiaconibus , ad hoc ministerium prudenter electis , vt vtantur sandalibus , indulgemus , sicut a patribus & prædecessoribus nostris id prædictæ ecclesiæ concessum est per authentica priuilegia , & hactenus obseruatum. Insuper etiam auctoritatem & honorem , quem ecclesia tua hactenus habuisse dognoscitur , apostolici fauoris patrocinio confirmamus ; videlicet vt , si quando Synodus infra tuam diœcesim a Romano pontifice , aut a legato ab eius latere destinato , fuerit congregata , priorem locum post ipsum Coloniensis archiepiscopus in Synodo teneat , & in proferenda sacrorum Canonum auctoritate prior existat ; ita tamen , vt , sicut est prior in hac probabili dignitate , ita etiam prior polleat honestate vitæ , & gratia meritorum ; & cuius annuntiauerit verba , imitetur exempla . Consecrationem quoque regum infra limites tuæ diœcesis fiendam , præsentis scripti auctoritate censemus ; & vt electio archiepiscopi secundum statuta Canonum a filiis præscriptæ ecclesiæ celebretur , per huius scripti paginam duximus statuendum. Ad hæc monasteria , ecclesiæ Coloniae positas , & omnia sacra loca , infra & circa urbem Coloniae , ad iurisdictionem Coloniensis ecclesiæ pertinentia ; monetam prædictæ ciuitatis , telonium , forum , & omne ius ciuale , sub potestate tua & successorum tuorum ; abbatias per diuerfa loca , villas , vicos , & castella , cum omnibus eorum pertinentiis , seruis videlicet , ancillis , terris cultis & incultis , aquis , pratis , campis , siluis , forestis ; nec non etiam comitia in Vvestphalia , quæ vulgariter Gograrhophe dicuntur , & alodia , Dulberg , Hachen , Marchan , Vvasenberg , sicut hæc omnia rationabiliter possides , tibi tuisque successoribus auctoritate apostolica confirmamus . Illud quoque statuimus , vt , sicut nullus coarchiepiscoporum tuorum est tibi subiectus , ita etiam tu sub nullo primate debeas esse : salua tamen nobis in te , sicut in ceteris archiepiscopis , subiectione , quæ apostolicæ auctoritati debetur . Decernimus ergo , vt nulli omnino hominum liceat præfatam ecclesiam temere perturbare , aut eius possessiones auferre , nec ablatas retinere , minuere , aut aliquibus vexationibus fatigare : sed omnia integra con-

Concil. Tom. 27.

Qq ij

seruentur eorum, pro quorum gubernatione ac sustentatione concessa sunt, vsibus omnimodis profutura; salua in omnibus apostolica sedis auctoritate. Si qua igitur ecclesiastica sæcularisve persona hanc nostræ constitutionis paginam sciens contra eam temere venire tentauerit, secundo tertiove commonita, nisi satisfactione congrua id emendauerit, potestatis honorisque sui dignitate careat, reamque se diuino iudicio existere de perpetrata iniuritate cognoscat, & a sacratissimo corposo ac sanguine Dei ac Domini Redemptoris nostri Iesu Christi aliena fiat, atque in extremo examine diuinæ vltioni subiaceat. Cunctis autem eidem ecclesiæ iusta seruantibus sit pax Domini nostri Iesu Christi, quatenus & hic fructum bonæ actionis percipient, & apud districtum Iudicem præmia æternæ pacis inueniant. Amen.

Alexander Papa III.

Vias tuas Domine demonstra mihi.

Ego Ioannes presbyter cardinalis sanctorum Ioannis & Pauli tituli Pammacii.

Ego Bosò presbyter cardinalis sancte Pudentianæ tituli Pastoris.

Ego Petrus presbyter cardinalis tituli sancte Susannæ.

Ego Alexander catholicæ ecclesiæ episcopus.

Ego Hubaldus Ostiensis episcopus.

Ego Hyacinthus diaconus cardinalis sancte Mariæ in Cosmedin.

Ego Arditio diaconus cardinalis sancti Theodori.

Ego Cynthius diaconus cardinalis sancti Hadriani.

Ego Hugo diaconus cardinalis sancti Angeli.

Datum Laterani per manum Alberti, sanctæ Romanæ ecclesiæ presbyteri cardinalis & cancellarii, decimotertio Kalendas Iulii, indictione undecima, incarnationis dominice anno millesimo centesimo septuagesimo nono, pontificatus vero domini Alexandri papæ III. anno decimonono.